

交遊篇

凡往來探望朋友亦驗神光其光黃赤者其人在家懽忻迎接酒食欸顧之喜青白色者或在家怯迫或他事奔馳或死喪凶事無暇逢迎若黑光不去必有橫生他故諸事不吉也

疾病生死篇

凡人七夜神光不明或不見形迹大主危厄五夜中有一夜見不妨常於黃昏時候之或無再於半夜之時驗之若有則是元炁不和必無死亡之患驗之有紅黃色旦夕痊安青白色但主沉滯黑色或無死期將至矣

取驗法

道藏輯要

三丰全集

神光經

十

續集十二

凡欲取驗須於靜夜獨處勿令人知暗而取之亦不須遍與他人談說務在精一專求萬取萬中設若輕舉妄動塵私百端而欲元神之清澈取驗之得真炁亦難矣蓋神亦昏亂而欲試其功效匪術之弗靈乃驗者之罪也慎之